



UKA 2013/8.1  
1. oktober 2013  
Hans Aronsen

### **Inatsisartut 2012-mi ilassutitut aningaasaliissutininut inatsisissaattut siunnersuut**

(Aningaasaqarnermut Nunamullu Namminermet Naalakkersuisoq)

Nalinginnaasuvoq ilassutitut aningaasaliissutit upernaakkut inatsisartut ataatsimiinneranni suliarineqartarlutik, ukiorlu ataatsimi inatsisartuni ataatsimiissimannginnerput pissutaalluni makkassut UKA 2013-mi akuersissutigineqartussanut Inuit Ataqatigiit imatut oqaaseqassaangut.

Ukiumi aningaasanut inatsiseqarfiusumi 2012-mi ilassutitut aningaasaliissutininut suliak-kiissutini 55-ini suliaasat 52-it Aningaasaqarnermut Ataatsimiititaliamut suliarisassanngorlugit nassiunneqarput, taakkunannga suliaasat 48-t akuersissutigineqarput, suliaasalli pingasut itigartitsissutigineqarlutik.

Suliat pingasut Naalakkersuisunit akuersissutigineqarput. Sulianit katillugit 51-init akuersissutigineqartunit suliat 44-t missingersuutininut sunniuteqanngillat, sulialli arfineq marluk IST-p inerneranut kinguneqarsimallutik.

Maluginiangassavortaaq inatsisartut aningaasaqarnermut ataatsimiititaliaata 2012-ip ingerlanerani ilassutitut aningaasaliinerit arfineq marluk, IST-p 79,7 mio. kr.-nik amigartooruteqartussatut missingersuusionerqarnerani allannguutaasut akuersissutigisimagai. Inuit Ataqatigiinniik tamanna tusaatissatut tinguarput.

Ukiumi aningaasanut inatsiseqarfiusumi 2012-mi IST-mut allannguutaasut 79,7 mio kr.-nik allannguuteqartumik amigartooruteqarput, takuneqarsinnaasutullu ilassutitut aningaasaliissuteqartarnerit pisariaqavissumik aningaasaliissutaasimasut.

Pissutsit politikikkut naatsorsuutigiuminaasut pissutigalugit ilassutitut aningaasaliiffigineqartariaqarsimapput, taamaattumik aammaarluta naalakkersuisunut kissaatigissavarput naalakkersuisuusimasut siunissaq ungasinnerusoq isingalugu inuiaqatigiinnut ajorseriaataasinnaasut siorningerlugit takussutissiortarnernik aallussinerusariaqartut.

Taamallilluni aningaasartuutaasussat naatsoruminaassinnaasut siunissami eqqumaf-figineqarlutik suliarineqartassammata.

Taammaamat Inuit Ataqatigiinnit annertunerusumik oqaaseqarnata Inatsisartut ilassutitut aningaasaliissutissatut 2012-moortoq tusaatissatut tigullu akuersaarparput.